

ხელშეკრულების პირობების საბოლოო ვარიანტი დაზუსტდეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების პროცესში

ელექტრონული ტენდერი აუქციონის გარეშე №NAT -----

ქალაქი ქუთაისი

----- 2019 წელი

ერთის მხრივ,

ქალაქ ქუთაისის მუნიციპალიტეტის მერია
წარმოდგენილი ქალაქ ქუთაისის მუნიციპალიტეტის მერის, გიორგი ჭილაგარიას სახით,
მის: ქ. ქუთაისი, რუსთაველის გამზ. №3
საიდენტიფიკაციო ნომერი: №212721170
ვებ გვერდი: www.kutaisi.gov.ge
ხაზინის ერთიანი ანგარიში: TRESGE22
ანგარიშის ნომერი: 200122900
(შემდგომში შემსყიდველი)

და მეორეს მხრივ,

(შემდგომში მომწოდებელი)

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება სახელმწიფო შესყიდვის შესახებ“ (შემდგომ – „ხელშეკრულება“) – შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ (დაწესებულებამ), ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3 „შემსყიდველი ორგანიზაცია“ (შემდგომ „შემსყიდველი“) ნიშნავს რომელიც ახორციელებს შესყიდვას;
- 1.4 „მიმწოდებელი“ ნიშნავს პირს, რომელმაც მოიპოვა გამარჯვება ტენდერში და ახორციელებს საქონლის მიწოდებას სახელმწიფო შესყიდვის შესახებ მოცემული ხელშეკრულების ფარგლებში;
- 1.5 „დღე“, „კვირა“, „თვე“ ნიშნავს კალენდარულ დღეს, კვირას, თვეს;
- 1.6 „საქონელი“ – ხელშეკრულების მე-2 მუხლით გათვალისწინებული ხელშეკრულების საგანი;
- 1.7 „ტექნიკური დავალება“ – მიმწოდებლის მიერ აუქციონის გარეშე ელექტრონულ ტენდერში სატენდერო წინადადებით წარმოდგენილი ტექნიკური დოკუმენტაცია, რომელიც ერთვის ხელშეკრულებას, როგორც მისი განუყოფელი ნაწილი.

2. ხელშეკრულების ობიექტი და კლასიფიკატორის კოდი

- 2.1 სხვადასხვა დასახელების საბავშვო ატრაქციონების შესყიდვა.
- 2.2 ხელშეკრულებით გათვალისწინებული საქონლის და სამუშაოების აღწერა მოცემულია ტექნიკურ დოკუმენტაციაში. (ხარჯთაღრიცხვა წარმოადგენს ხელშეკრულების განუყოფელ ნაწილს)
- 2.3 კლასიფიკატორის კოდი – 37500000.

3. ხელშეკრულების ღირებულება

- 3.1 ხელშეკრულების ჯამური ღირებულება საქართველოს კანონმდებლობით გათვალისწინებული გადასახადების ჩათვლით შეადგენს: _____ ლარს.

4. ხელშეკრულების შესრულების კონტროლი

- 4.1 ხელშეკრულებით გათვალისწინებული პირობების შესრულების კონტროლი (ინსპექტირება) განხორციელდება ქალაქ ქუთაისის მუნიციპალიტეტის მერიის შესაბამისი უფლებამოსილი სტრუქტურული ერთეულის მიერ.

- 4.2 „მიმწოდებელი“ ვალდებულია საკუთარი რესურსებით უზრუნველყოს „შემსყიდველი“, კონტროლის

(ინსპექტირება) ჩატარებისათვის აუცილებელი პერსონალით, ტექნიკური საშუალებებითა და სხვა სამუშაო პირობებით. იმ შემთხვევაში, თუ „შემსყიდველი“ კონტროლის (ინსპექტირება) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით „შემსყიდველი“.

4.3 შემოწმების შედეგად გამოვლენილი ნებისმიერი ნაკლის ან დეფექტის შესახებ „შემსყიდველი“ დაუყოვნებლივ სიტყვიერად, შემდეგ კი წერილობით აცნობებს „მიმწოდებელს“ დაწუნებული საქონლის ნაწილს წუნდების მიზეზების მითითებით.

4.4 „მიმწოდებელი“ ვალდებულია საკუთარი ხარჯებით უზრუნველყოს კონტროლის (ინსპექტირება) შედეგად გამოვლენილი ყველა დეფექტის ან ნაკლის აღმოფხვრა.

5. საქონლის მიწოდების პირობები და ვადა

5.1 „მიმწოდებელი“ ვალდებულია სხვადასხვა დასახელების საბავშვო ატრაქციონებისა მიწოდება განახორციელოს ხელშეკრულების დადებიდან 30 (ოცდაათი) კალენდარული დღის განმავლობაში.

5.2 „მიმწოდებელი“-ს მიერ შემოთავაზებული საქონლი უნდა აკმაყოფილებდეს შემდეგ პარამეტრებს:

5.2.1 საქონელი წარმოებული უნდა იყოს და შესაბამებოდეს ხარისხის დამადასტურებელი TUV ან/და ISO სერტიფიკატი ან/და სტანდარტიზაციის ორგანოს მიერ გაცემული EN 1176-თან შესაბამისობის დოკუმენტს.

5.2.2 სათამაშო აღჭურვილობას უნდა გააჩნდეს ხარისხის დამადასტურებელი სერთიფიკატები. შესაბამისობის დამადასტურებელი დოკუმენტი.

5.2.3 კოშკის მილები უნდა იყოს ერთი მთლიანი და სრულყოფილი. გამოყენებული არ უნდა იყოს ისეთი მილები, რომლის ზედაპირზეც შეინიშნება ჩამოსხმის კვალი. მილების ზომა არ უნდა იყოს გაზრდილი მიმატებით, შედუღებით ან სხვა მსგავსი ოპერაციებით.

5.2.4 კოშკის მილებზე არ უნდა იყოს შედუღების ოპერაცია (პლატფორმის, მოაჯირის ან/და დამჭერის მიზნით)

5.2.5 მეტალის მილები დამზადებულ უნდა იყოს ფოლადისგან, მინიმუმ 114 მმ (4") დიამეტრის და მინიმუმ 2,50 მმ სისქის ცივი ფორმირებითა და მაღალი სიხშირის შედუღებით.

5.2.6 სათამაშო კომპლექტის: საყრდენი სვეტების მონტაჟი უნდა განხორციელდეს ბეტონის საფუძველზე არანაკლებ 600 მმ-ს სიღრმეზე.

5.2.7 გამოყენებული საღებავი არ უნდა შეიცავდეს ტყვიას.

5.2.8 საქანელის ჯაჭვები - გალვანიზირებული ლითონი, გამძლეობა არანაკლებ 100 კგ.

5.2.9 საქანელებს უნდა გააჩნდეს ჩამკეტი.

5.2.10 სათამაშო ატრაქციონი უნდა იყოს ფერადი.

5.3 „მიმწოდებელი“ ვალდებულია სხვადასხვა დასახელების საბავშვო ატრაქციონების მიწოდება განახორციელოს საკუთარი ხარჯებით, შემდეგ მისამართზე: ქ. ქუთაისი, ვ. გამსახურდიას ქ. №65.

6. შესყიდვის ობიექტის მიღება-ჩაბარების წესი

6.1 „შემსყიდველი“-ს მიერ შესყიდვის ობიექტის მიღება შესაძლებელია ეტაპობრივად.

6.3 „მიმწოდებლის“ მიერ მიწოდებული საქონელი მიღებულად ჩაითვლება, მიღება-ჩაბარების აქტის დადასტურების შემდეგ.

6.4 მიღება – ჩაბარების აქტში მითითებული უნდა იყოს: მიწოდებული საქონლის დასახელება, რაოდენობა და ღირებულება.

6.5 ფაქტიურად შესყიდვის ობიექტის მიღების დამტკიცებას ქალაქ ქუთაისის მუნიციპალიტეტის მერიის შესაბამისი უფლებამოსილი სტრუქტურული ერთეულის დადასტურების საფუძველზე ახორციელებს ქალაქ ქუთაისის მუნიციპალიტეტის მერი.

7. გარანტია

7.1. მიწოდებული საქონლის საგარანტიო ვადა განისაზღვრება საბოლოო მიღება-ჩაბარების აქტის გაფორმებიდან 1 (ერთი) წლის ვადით.

7.2 საგარანტიო ვადის განმავლობაში ბუნებრივი პირობების შედეგად გამოწვეული ან ქარხნული დაზიანების შემთხვევაში მიმწოდებელი ვალდებულია უზრუნველყოს შესყიდვის ობიექტის შეკეთება ან ჩანაცვლება ახლით, შემსყიდველის მოთხოვნიდან არაუგვიანეს 10 (ათი) კალენდარულ დღეში.

7.3 შესყიდვის ობიექტის შეკეთების ან/და შეცვლის შემთხვევაში ტრანსპორტირება უნდა უზრუნველყოს მიმწოდებელმა.

8. ანგარიშსწორება

8.1 ანგარიშსწორება განხორციელდება „მიმწოდებელი“-ს წერილობითი მომართვის საფუძველზე, რომელსაც უნდა დაერთოს:

ა) ინსპექტირების ჯგუფის დასკვნა,

ბ) ფაქტიურად მიწოდებული საქონლის დასახელება, რაოდენობა და ღირებულება,

დასრულებულ ობიექტზე მიღება-ჩაბარების დროს.

გ) მიწოდებული საქონლის შესაბამისად ამოწერილი დღგ-ს ანგარიშფაქტურა ან სასაქონლო ზედნადები.

8.2 ანგარიშსწორების ფორმა იქნება: უნაღდო (გადარიცხვა) ლარებში.

8.3 ანგარიშსწორება მოხდება მისაწოდებელი საქონლის სრულად მიწოდების შემდეგ, სათანადო დოკუმენტების წარმოდგენიდან 10 (ათი) სამუშაო დღეში.

9. ხელშეკრულებაში ცვლილების შეტანა

9.1 ხელშეკრულების დამდებ არც ერთ მხარეს არა აქვს უფლება შეიტანოს ცვლილებები მეორე მხარესთან შეთანხმების გარეშე.

9.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია არა უგვიანეს 3 (სამი) სამუშაო დღისა (ხელშეკრულებით გათვალისწინებული საქონლის მიწოდების ვადის გასვლამდე) წერილობით შეატყობინოს მეორე მხარეს შესაბამისი ინფორმაცია.

9.3 ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები „შემსყიდველი“ ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

9.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

9.5 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართი-შეთანხმების სახით, რომელიც ჩაითვლება ხელშეკრულების განუყოფელ ნაწილად.

10. ხელშეკრულების შესრულების შეფერხება

10.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

10.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს დანართი-შეთანხმების სახით, რომელიც დაერთდება ხელშეკრულებას, როგორც მისი განუყოფელი ნაწილი.

11. მხარეთა უფლება-მოვალეობები

11.1 „შემსყიდველი“ უფლებამოსილია საქონლის მიწოდების დასრულებამდე ნებისმიერ დროს მოითხოვოს „მიმწოდებლისგან“ მისთვის საჭირო ინფორმაცია.

11.2 „შემსყიდველი“ ვალდებულია უზრუნველყოს „მიმწოდებელი“-ს მიერ მიწოდებული საქონლის ანაზღაურება ხელშეკრულებით გათვალისწინებული ვადების და პირობების დაცვით.

11.3 „მიმწოდებელი“ უფლებამოსილია მოსთხოვოს „შემსყიდველს“ მიწოდებული საქონლის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

11.4 „მიმწოდებელი“ ვალდებულია დროულად და კეთილსინდისიერად შეასრულოს ხელშეკრულებით ნაკისრი ვალდებულებები.

12. ხელშეკრულების პირობების შეუსრულებლობა, ხელშეკრულების შეწყვეტა (საჯარიმო სანქციები, ფორმა, ოდენობა)

12.1 ხელშეკრულების დამდები ერთ-ერთი მხარის მიერ ხელშეკრულების პირობ(ებ)ის შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული ნაწილის მოქმედების შეწყვეტის შესახებ.

12.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი. აღნიშნული შეტყობინება უნდა მიეწოდოს მეორე მხარეს დაუყოვნებლივ, გადაწყვეტილების ძალაში შესვლამდე.

12.3 ხელშეკრულებით ნაკისრი ვალდებულებების არაჯეროვნად შესრულების შემთხვევაში (მათ შორის ნაკისრი ვალდებულებების შეუსრულებლობის ყოველ ვადაგადაცილებულ დღეზე), მხარე რომელმაც არაჯეროვნად შეასრულა ხელშეკრულებით ნაკისრი ვალდებულება, დაეკისრება პირგასამტეხლოს გადახდა – ხელშეკრულების საერთო ღირებულების 0,05 %-ის ოდენობით.

12.4 იმ შემთხვევაში, თუ ხელშეკრულების 12.3 პუნქტით გათვალისწინებული პირგასამტეხლოს ოდენობა მიაღწევს მთლიანი სახელშეკრულებო ღირებულების 1,5%-ს, მხარეს, რომლის მიმართაც არ შესრულდა ნაკისრი ვალდებულებები, უფლება აქვს ცალმხრივად შეწყვიტოს ხელშეკრულება.

12.5 ხელშეკრულების (სრული ან ცალკეული ნაწილის) შეწყვეტის კანონით დადგენილი წესით დადასტურების შემთხვევაში, მხარე რომელმაც არ შეასრულდა ნაკისრი ვალდებულებები, გადაიხდის პირგასამტეხლოს, სახელშეკრულებო თანხის 30%-ის ოდენობით.

12.6 ხელშეკრულების შეწყვეტა შესაძლებელია მხარეთა ურთიერთშეთანხმების გზით.

12.7 ხელშეკრულების პირობების შეუსრულებლობისათვის, „მიმწოდებლის“ დაჯარიმების შემთხვევაში, შემსყიდველი იტოვებს უფლებას ფაქტიურად მიწოდებული საქონლის ასანაზღაურებელი თანხიდან, საჯარიმო სანქციების თანხა

პირდაპირ გადარიცხოს არასაგადასახადო ანგარიშსწორების ერთიან ანგარიშზე სახელმწიფო ხაზინაში.

12.8 საჯარიმო სანქციის გადახდა არ ათავისუფლებს „მიმწოდებელს“ ძირითადი ვალდებულებების შესრულებისაგან.

13. დაუძლეველი ძალა

13.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეულ პასუხისმგებლობისგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შეუსრულებლობის შეუძლებლობის შესახებ.

13.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყონებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან.

13.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

14. სადავო საკითხების გადაწყვეტა

14.1 ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს, საქართველოს მოქმედი კანონმდებლობის შესაბამისად.

15. ხელშეკრულების მოქმედების ვადა

15.1 წინამდებარე ხელშეკრულების მოქმედება ძალაშია ხელშეკრულების მე-5 მუხლის 5.1 პუნქტით გათვალისწინებული საქონლის მიწოდების ვადის დასრულებიდან 2 (ორი) თვის განმავლობაში, გარდა ხელშეკრულებით განსაზღვრული იმ ვალდებულებებისა, რომელთა არსებობაც არ არის დამოკიდებული ხელშეკრულების მოქმედების ვადაზე.